

ateneo, uniud

UNIVERSITÂT

Cors gratuit di lenghe

Cors gratuits, in grazie dai finanziaments de Leç 482/1999 su la tutele des minorancis linguistichis storichis, di lenghe furlane su diviers nivei, tacant dai principiants assolûts fin ae specializazion in traduzion di setôr e al inzornament dai operadôrs linguistics. A inmaneâju al è il Centri di Ricercje su la culture e la lenghe dal Friûl (Cirf) de Universitât dal Friûl, tes sedis di Udin, Gurize e Pordenon. Destinâts al personâl tecnic aministratif,

docent, ricercjadôr, a chês altris figuris professionâls dal Atenu (assegniscj, borsiscj, dottorants) e in plui ai dipendents di ducj i rûi des altris Amministrazioni publichis, i cors a son vierts ancje ai students e ai citadins interessâts in cualitât di uditôrs. I obietîfs dai cinc percors di aprediment, de durade di 30 oris, a son chei di rivâ a cognossincis similis a chês previodudis dai nivei A2, B1, C1, dal cuadri di riferiment european des lenghis e cjapâ sù e svilupâ capacitâts linguistichis superiôrs par davuelzi ativitâts ami-



nistrativis in lenghe furlane, cun riferiment particulâr ae traduzion di tescj cun contignûts tecnicos setoriâi, juridics aministratîfs, ae ativitât di progettazion e di politiche linguistiche.

La schede informative dai cors e i modui di adesion si ju cjate in finie te direzion www.uniud.it/cirf sot de vôs "Cors 2007". I dipendents des Amministrazioni Publichis e i uditôrs interessâts a varan di notâsi mandant al Cirf, tacant di vinars 16 fin a miercus 28 di fevrâr, il modul (discjamât dal sît) vie fax al 0432

556481. Invezit il personâl interni dal Ateneu di Udin si notarà dret ae Ripartizion personâl, sezion formazion, doprant il modul pe ativitât formative interne tacant di lunis 26 fintremai ai 28 di fevrâr e inviantlu vie fax al n. 0432 556339.

Lis iscrizions si acetaran in ordin cronologic man a man che a rivin. I partecipants a varan di frequentâ almancul l'80% des oris dal cors par jessi ametûts al esam finâl, par vê l'atestât e par viodisicognossûts i credits formatîfs. La organizazion didatiche e il coordinament dal cors a son in man al Cirf che si pues contatâ al numar 0432 556480 o par pueste eletroniche ae direzion cirf@uniud.it.